

## **Ionna in̄mbaia mac tiratna timbiŋ rapar Outna kam**

Ionna ma ndo ŋgoinna, gan timbiŋ rapara tirra neaŋga taŋrinan. Na ramtair witta gaid ndamŋirina, ma gan timbiŋ raparmo Iesusna ritiŋpaikta meikramtairta tumnambta ianna tirra neaŋga taŋrinan. Na ma toŋgorinanna, mina kabena meikramtairmo matŋiraŋ, te, mina an paparuna ramtairmo iukairaŋ, an ramtaira Raraŋ Aetaniacna kambmo moa paurirena.

**Aia Raraŋ Aetaniacna kam  
gidikmo ŋaŋari utiŋi gagra,  
ŋarikca kabena ramtaira ndori  
gagarikta kam ndop te, ndorimo  
wat, moca ne anna raŋgai nari**

<sup>1</sup> Aku Iesusna ritiŋpaikta meikramtairta tumbunna ŋginaŋa morena ramoot paŋan. Gan timbiŋ rapara aku tiratnanna, umo an meac, unapa una mombonikap, nena moca tiratna. Na Raraŋ Aetaniac, ma umo larapacrina, u manan ŋgoin. Aintik aku aindopatna, gidik ŋgoin. Na auk toco nemo matŋirena, na auk niŋgikca wanaiŋ, meikramtaira muruŋa kam gidik mbaracrenan, mitoco nena mamatŋi ŋgoin.

<sup>2</sup> Na kam gidikca aiap eacrenan, ma aiapmo iarwar ndeacraņnande, aında moca aia nemo matjirena.

<sup>3</sup> Aintik an kam gidikna tipemb kirarira mbombopapa, an kabena meikramtaira matji momona tipemb kirarira, anna Raraņ Aetaniac Aetapa Iesus Karaisnan. Na an Raraņ Aetaniacna Nuoc, ma ndo aimo kadmaica, aimo kakadmaina opotaca moca, aimo moi aina iroar inkara wewettaca laiņ teacnandet.

*Aia kabena meikramtair matji momona tipna kirar ŋgoinna raņgairā*

<sup>4</sup> Na aku una mombonik ndeida kam gidikca raņgairena kam mbaraca, aku toņtoņ ŋgoin. Na Aetta aimo raņgaina ndopatna tipemb kirarira, mina maraņgaireke.

<sup>5</sup> Na u an meacmbitac, aku un ndotopna kam ianap, an kamma, kam ŋgamma wanaiņ. Anna atuna kam bagar, aku toņgorinanna, u anna raņgai. Na an kamma gaind, aia meacramoot kabe, kabea kabena meikramtairmo mataui matjia morā.

<sup>6</sup> Na kabena meikramtaira matji momona kambca gaind. Aia Raraņ Aetaniacna kambca ŋaņari raņgairā. Na aia mana kambta kamma, nemo outna ndopca, ne waraca mamaiat. Aında moca ne mana mamatjina kambca raņgaica, kabena meikramtairmo mataui matjia, ndi-arirta tipemb kirarir laiņga mo.

---

**1:4** 3 Io 1.3    **1:5** In 13.34, na 15.12, na 15.17, na 1 Pi 4.8, na 1 Io 2.7-8, na 3.11, na 3.23    **1:6** In 14.15, na 14.21, na 1 Io 2.5, na 2.24, na 5.3

*Aia Karaisna kammo mataui utij gagra*

<sup>7</sup> Na ne warac, gan tiacarpaikca tajrenanna meikramtair witta mina parurena, mina Iesusmo ramootna kirar ndaruatnanna, anmo mina ripac ngocor. Aind ndamjiekna ramtaira mina parurena mina Karaismo ndorita puɲndamootna iroa moca morena.

<sup>8</sup> Ainda moca ne ndoritake matau wat, moca an aiɲa aia gigraca moca aɲgirina reiki, taɲi iɲgoroc nari. Na ne mataui witiki paɲpaɲi gagraca ndorita an aiɲa opoik aɲgi.

<sup>9</sup> Na ramoot ianna Karaisna an riptia mataui utij gagra ngocor, na ma kabena riptia aɲgi te, an ramootta Raraɲ Aetaniaca, manap mba eacitndai. Na ramootta Karaisna riptia, mataua utiɲga gagraca eacrenan te, Raraɲ Aetaniacapa, mana Nuoc maniɲa manap eacnande.

<sup>10</sup> Na ramoot ianna nen ndambuɲ nakipca, na ma nemo ainta ripti ianna aɲgi kip ngocor te, ne mamu ra laɲa kai neaɲ teac. Na mamu kai actik teac, co, ndorita kac inikca kai aɲgiri mbuk tik teac.

<sup>11</sup> Na ramootta mamu ra laɲ neaɲ te, ma mana an aiɲ ngoreaca moa gagrarena ramoot.

*Ionna ndomo mina watna moca*

<sup>12</sup> Na aku nemo kamb witta timbiɲ rapar mbuɲa tirca, nenmo neaɲ kipna min, na aku ndo ainda toɲgo ngocor. Aku toɲgorenanna, aku ndo kipi nenap mbiraca aia an kamb ndop te, aia muruɲa toɲtoɲ ngoin ndeacnande.

---

**1:7** 1 Io 2.22, na 4.1-3    **1:8** Mk 10.29-30, na Gal 3.4, na Ib 10.32, na 10.35    **1:9** 1 Io 2.23    **1:10** Epe 5.11, na 2 Te 3.6    **1:12** In 17.13, na 1 Io 1.4, na 3 Io 1.13-14

<sup>13</sup> Na una mbina mombonikapa una an mbimo Raraŋ Aetaniaca mamō larapacrina, ma manan ŋgoin. Aintik mina umo ra laŋ neaŋrina.

**Raraŋ Aetaniacna Kam Wemban Lan  
New Testament in Mborena Kam language  
Nupela Testamen long tokples Mborena Kam long  
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 18 Apr 2025 from source files dated 29 Jan 2022

8e1073ed-d2dc-5f3a-bb48-5406185123a7